

國朝閨秀正始集



國朝閩秀正始集附錄

完顏暉 珠珍浦輯

女孫妙蓮保校字

趙雪華

詩見余懷板橋雜記

郟城縣旗亭題壁

不埽雙娥問碧紗誰從馬上撥琵琶  
驛亭空有歸家夢驚破啼聲是夜笳

無名氏

詩見許夔臣雕華集

錦城山店題壁

自嘆予生命不齊全家漂泊任東西  
早行列肆心正始集附錄

一

紅香館

先恐夜宿茅簷意轉淒異地風光多冷落  
天涯骨肉倖提攜可憐怯怯閨中女漫向青山和淚題

徐

淑詩見尤侗西堂集

涿州題壁

棄子拋夫咽北風驅馳心逐曉雲空  
此身一死非難事惟戀今生魂夢通

張

氏詩見陳維崧婦人集

西溝道中

凌波卸却換宮鞋女作男妝實可嗟  
扶上玉鞍愁

不穩淚痕多似馬蹄沙

無名氏

詩見施環  
剩圃遺集

陽明堡題壁

妾住桃花塢何由晉地過春衫漬淚溼青鏡瘦容  
多目斷重雲嶺妝留薄命歌雁門今此去青塚弔

明娥

平陽女子

詩見李錫麟山右詩存○女因順治  
初叛鎮姜瓖之變被掠至唐城村文  
昌樓下乘兵斃睡拾炭屑題詩廟壁以柳  
枝自經土人埋玉村旁尋彭禹峰方伯過  
其地聞而哀  
之為作記焉

正始集

附錄

二

紅香館

唐城村題壁

血淚春山染碧紗哭聲直入河東家樓前記取孤  
身死願作來生並蒂花

江右難婦

詩見蔣機秀  
名媛繡鍼

雄縣題壁

新作盤頭卸舊妝銀環換却小明璫風塵改盡當  
時面不敢逢人說故鄉

江前烈女

詩見曾煥江西詩徵○女因康熙甲  
寅吳逆之亂被賊掠入舟欲污之堅  
拒不從抵南昌江投水者再賊怒縛而瘞  
之沙中女罵不絕口嚙舌血噴賊面而絕

後里人吳尹迪過其地而哀  
之爲裏沙葬躍龍岡識以碑

絕命詞

與其辱而生不如潔身死目斷山上雲心比江中  
水

愛

玉

詩見劉大觀  
縹緲閣雜鈔

五里莊題壁重書義棠橋詩

霧鬢雲鬟亂曉妝淡雲孤月影微茫自憐薄命同  
秋草戎馬鞍頭困海棠

喬倩媛

詩見朱雲煥  
浣花濯錦集

正始集

附錄

三

紅香館

梓州題壁

嚴君持節蜀江秋少小曾隨過梓州夜分燈前輕  
掠鬢朝來馬上薄梳頭慵將往事翻新調未便歸  
來賦舊樓最是荒村茆店夕誰憐弱質不禁愁

尹

氏

詩見女史完顏  
兌花塚叢談

泗州鮑集題壁

雕鞍西去正深春欸欸鶯聲聽不真寄語故園諸  
女伴今年花柳倍愁人

月

移

詩見程哲  
蓉槎叢說

涿州題壁

寒雞初唱已中宵，獨擁銀釭寂寥。一月不將奩具理，侍兒猶道黛痕嬌。

淞

雲

詩見董湖東臯雜鈔

春日偶吟

一樹桃花臥綠蕪，春陰簾外雨模糊。宵來鄉思知多少，又向東風聽鷓鴣。

垂楊踈地綠絲齊，繡閣無人落燕泥。閒倚薰籠思往事，冷香和夢過橫溪。

正始集

附錄

四

紅香館

陸

娟

詩見寥景文古檀園詩話

津門旗亭題壁

津亭楊柳碧參差，人立東風酒半酣。萬點落花舟一葉，載將春色過江南。

蘇弱妹

詩見盧見曾山左詩鈔

任邱題壁

風吹哀雁近關門，此日重離倩女魂。夢到家鄉淒絕處，寒烟野水荳蘿邨。

陳坤維

詩見厲鶚樊榭集

丁巳又九月九日厨下乏米檢元人百家詩  
付賣以供餽粥手不忍釋因賦一律

典及琴書事可知又從架上檢元詩先人手澤飄  
零盡世族生涯落魄悲此去雞林求易得他年鄴  
架借應癡亦知長別無由見珍重寒閨伴我時

梅

田詩見袁枚  
隨園詩話

永安寺題壁

靈妃齊駕玉龍回留得清陰滿綠苔來歲春風一  
相待囊琴便約嬾仙來

正始集

附錄

五

紅香館

小

卿詩見袁枚  
隨園詩話

登大觀亭題壁

入楚才逢此壯觀春雲樹杪見朱欄空亭啼鳥山  
花早古殿無人暮雨寒正苦浮家弔湘水那能分  
淚寄長安小喬况復愁欹枕每到登臨放眼難時

宦關右妹右  
卿臥病舟中

鵑

紅詩見法式善  
梧門詩話

河間題壁

萬里漂零百劫哀青衣江上別家來朝雲暮雨翻

翻看一路山眉掃不開

阿母音書隔故關  
兒身除有夢飛還  
年年手濯江邊錦  
不穀人間拭淚斑

湘霞 詩見李兆元十  
二筆舫雜錄

過華山題壁

蛾眉何事鬥嬋娟  
瘦到芙蓉更可憐  
玉女容華眞落雁  
教人低首過峰前

杜采芙

詩見楊得潤  
雨亭手鈔

靈寶題壁

正始集

附錄

六

紅香館

離恨閒將問碧翁  
銀河一抹路難通  
詩囊空自書飛白  
爪印從今寄軟紅  
孤雁有情懷故壘  
落花無主怨東風  
淒涼旅店燈昏夜  
深院梨雲細雨濛

蕭

瑚 詩見郭磨靈  
芬館詩話

偕女兒仲瓔遊蔣園題壁

聞說園亭屬蔣家  
今朝偶爾駐香車  
穠桃艷李漂零盡  
開到風前姊妹花

周

氏 詩見鄭芬藝  
蘭軒偶錄

寄外

剪燭重攜素紙看短書聊且報平安封緘幾次還  
開拆無限離情落筆難

蔡

氏 詩見姚椿  
樛寮詩話

新水店題壁和兒幼蘭韻

鎮日飛塵撲翠鈿黃驄無奈早春天認途驛候牆  
書字餞別旗亭柳當鞭一線長河明落照四圍老  
樹鎖寒烟造愁賴有填麈倡題罷簪花又黯然

吳興女子

詩見袁潔  
蠡莊詩話

春閨

正始集

附錄

七

紅香館

繡罷頻呼姊妹看暖風晴日滿闌干花閒打散雙  
蝴蝶飛過東牆又作團

粲花女史

詩見袁潔  
蠡莊詩話

偶成

紅塵小現女郎身廿載空餘未了因燈火一檠風  
四壁可憐誰是眼中人

圭

齋 詩見女史歸懋  
儀繡餘續草

燈花

深閨午夜漏聲嚴一穗嬌紅淑景添明艷不須枝



葉襯穠華何必色香兼影垂並蒂人初夢花結同心月半簾試問明朝何吉兆好將心事向君占

錢塘女子

詩見徐巖叟詩選

邯鄲客舍題壁

獨坐幽齋夜氣清可堪風雨作秋聲典釵沽酒借君醉揀史燒燈快我評事業到頭都未是英雄當下只爭名自慚弱質非男子閨閣沈埋愧此生

山陰女子

詩見陶元藻篁村詩話

武林客舍題壁

正始集

附錄

八

紅香館

深閨羅素不禁秋扶病來尋古寺遊看到紅葉縹緲處又添新恨上扁舟

智

生

浙江錢塘人○智生姓黃名琰爲女史顧和知女孫幼慧能詩七齡絕筆奉佛維謹尋以童身入空門雲棲石公爲祝髮改名智生年十三從容坐脫異香滿室茶毘後得舍利子二十四菴衆建塔藏之

咏菊

簾幙暗生香奇葩勝艷粧不隨秋草萎獨立傲繁

霜

咏雪

霏霏玉屑點窗紗碎碎瓊珂嚮翠華乍可庭前吟  
柳絮不知何處認梅花

曇道人

字靜婉江蘇金壇人○靜婉姓吳甫字

而寡守志家居父母相繼歿遭明末兵  
亂無以自存乃避居木瀆鎮香水溪上女  
真祠爲女冠號曇道人以清修終後宋故  
仲中丞過之題其門曰一自春風停彩仗  
至今月夜有丹爐蓋其地在姑蘇臺西北  
紅桃翠柏掩映門庭清溪一曲水有餘香  
相傳爲西子浴處至今憑弔夷光者未嘗  
不及靜

別思

西崦雨未收東崦風又作留任綠蓑衣莫與篙師

正始集

附錄

九

紅香館

著

神

一 字美南號龍隱江蘇華亭人著有龍隱  
遺草○龍隱本前明考功郎中夏允彝  
女初名淑吉適嘉定侯洵年二十一而寡  
撫周歲孤檠後祝髮爲尼法名神一明亡  
其翁之兄峒曾及子演潔殉難允彝亦自  
沈宅第俱爲瓦礫先是龍隱避兵結廬曹  
谿龍江間兩家奔命賴以棲止已而其翁  
岐曾復以株連破逮母龔赴水死龍隱皆  
艤舟潛往收其屍舁置祖塋旁孤檠字武  
功才而天龍隱曰吾數年來三百六十骨  
節交付太虛更無繫戀矣至康熙壬寅卒表妹盛蘊貞爲立傳

憶王菴舊遊寄再生

人生聚散本浮漚回首蒼茫感昔遊曉露未收花

力重午陰欲定鳥聲幽聞香小坐忘塵世步月清  
言掃舊愁梅影橫斜應似畫殘英滿地有誰收

再

生

字靈修江蘇長洲人著有再生遺稿○  
靈修姓姚名媯俞工書能文適嘉定侯  
演演從父嗣曾殉難遂依夏淑  
吉於曹裕祝髮爲尼改名再生

仲春十五夜大人山中言旋即別寫懷

白雲天末和愁低無限情懷怨曙雞烟柳河橋殘  
月小疎鐘古寺曉風凄百年幻影花枝老廿載浮  
生草路迷一葦江頭如可折竺乾西去待相攜

靜

維

號寄笠道人江蘇華亭人著有寄笠遺  
稿○靜維姓盛名蘊貞字嘉定侯嗣會

正始集

附錄

十

紅香館

三子澗未嫁而靜以亡命死靜維著懷湘  
賦見志卒歸上谷本爲夏淑吉表妹旋斷  
髮禮夏爲師與侯演室姚侯潔室  
冀同止曹裕所謂東園歲寒亭也

寄兄

一自雙親杳鄉園不忍旋七年三見面稚子漸齊  
肩夢斷燕山月春歸海樹烟書來能念我三復鵲  
鴿篇

贈聖幢師

自是閨中秀超然遠物華心能同水月骨自帶烟  
霞翠長眞如竹黃開般若花寄言劉鐵磨應識趙

州茶

靜

字月土順天宛平人○月土姓曹本前明宮人李闖犯京城月土隨內監劉南

奔乙酉後削髮爲尼著宮詞百首

宮詞

錄二

闕遍司農水旱書君王減饕復齋居御厨阿監新承旨來日羹湯不進魚

儉德慈恩近古稀他方織錦盡停機赭黃御服重經澣內直才人著布衣

性道人

字羽步號飛卿江蘇吳江人著有比玉新聲集○羽步姓周名瓊適士人陷圍

止始集

附錄

十一

紅香館

園中因走避江北爲女冠號性道人

春居

小榻參差竹影斜衡門芳草鎖烟霞稜錚傲骨詩爲友澹泊禪心畫作家暖日不須來燕子春風爭肯逐桃花憑闌細雨瀟瀟夜慷慨悲歌撫鑊錘

留別吳蕊仙

一身飄泊御風遊物外閒閒水上鷗錦字怕隨江雁斷詩魂時逐碧雲流野塘孤棹黃花晚香谷寒窗雜樹秋只恐重來仙路迥烟迷霧阻武陵舟

寄懷范洛仙

黯淡銷魂獨倚樓，登山臨水又逢秋。  
簷前垂柳絲千尺，只繫柔腸不繫舟。

上

字蕊仙號佛眉江蘇長洲人著有香谷  
焚餘草佛眉新舊詩○蕊仙姓吳名琪

適諸生管勳能文章精繪事尤好韜畧周  
羽步贈詩有嶺上白雲朝入畫樽前紅燭  
夜談兵句管生死遭家難遂爲尼法名上  
鑒慕錢塘山水乃與方外友周羽步爲六  
橋三竺之遊西冷  
名媛爭欲識之

送別

雪意滿芳洲，屏山引去舟。霜風醒客夢，笳月起邊

正始集

附錄

三

紅香館

愁萬里從軍急，孤身倚劔遊家園。落日裏，莫上最高樓。

感懷

煮鶴焚琴事已賒，不堪回首數年華。愁來有句留殘葉，夢去無人問落花。鳥惜晚香窺鏡檻，婢憐新病鎖窗紗。柳枝剩有蘇臺曲，未審春風憶若耶。

邨居

貧家風物厭鉛華，波影浮來盡落霞。夢裏青山閒歲月，鏡中人面悟空花。秋鐙病後惟餘研，春水愁

多未浣紗枕上片魂誰喚起夕陽烟樹幾歸鴉

智

圓

字湛然江蘇常熟人○湛然姓殷

弔彭娥

娥南通州人夫貧甚謂彭鬻乳以活彭不從自經死

乍可饑寒死彭娥節苦貞將雛憐燕羽逐婦惡鳩聲智以窮愁短身因激烈輕寸膚如可鬻涇渭不

分明

德

日

字冰心號藥林江蘇泰州人著有拂愁集○冰心姓蔣名葵幼慧讀書過目不忘于歸陳氏所適非偶削髮為尼法名德日

初秋

正始集

附錄

三

紅香館

蕭然一葉下梧桐初覺涼生小院風暑氣漸消人意爽臥看新月到簾櫳

德

月

字玉潔號雪巒德日妹○玉潔名蕙遭家難與姊同入空門法名德月

和姊韻

小院涼生落葉風天街玉露溼花叢懷君淚筆難題句瘦減腰圍總病中

靜

諾

浙江仁和人○靜諾姓林嘗卓錫河渚結茆為廬每至萬樹梅花千灣菽雪白謂此中有真悟處

春宵卽事

野藤花氣暗隨風狼藉春光大半空斜向石闌頻  
徙倚一庭明月有無中

悟

源字寂居江蘇婁縣人○寂居姓王工書  
善屬文本儒士女幼孤育於益壽庵老  
尼法名悟源與張紫繁李  
婉兮相友善以清修終

書懷柬紫繁女史

花鈿翠袖久蠲除經案繩牀意自如性懶已忘驕  
慢習家貧猶惜舊藏書談空有弟窮禪理適興從  
親學蠹魚更喜蕭疎塵慮少草衣木食足安居

無

垢字石香江蘇通州人著有茹蕙集○石  
香姓陳名潔適同里孫生孫多內寵以

正始集

附錄

齒

紅香館

石香無子不相得遂大歸尋爲尼法名無  
垢卽以其祖舊業所謂鴻寶堂者事焚修

閨怨

青翠入簾櫳永日駐幽閣愁縈芳草生靜覺桐花  
落奩鏡網蠅蛸庭柯巢烏鵲夢去不關愁晚來心  
自惡獨坐只書空微雨益蕭索

悟

情字石蓮江蘇丹徒人○石蓮姓翁幼孤  
無依隨姊入都姊爲前尚書和公琳侍  
姬和歿姊殉石蓮南歸主女史駱佩香家  
趨歐北閩其才會贈七古一首載集中佩  
香繼歿石蓮祝髮  
爲尼法名悟情

感懷

清淨而今徧六根焚香幸作佛前人已知性海須  
登岸且向恆河試問津口藏誰傳彌勒法心燈自  
照女兒身癡情一點消難盡吟到詩篇忘苦辛  
蒼茫回首萬緣空慢說平生塞與通眼見公侯興  
敗易命憐姊妹死生同只留此日袈裟在不見當  
年錦繡叢坐徹蒲團波浪息心緣穩渡片帆風

柳

是

字如是號蘼蕪浙江嘉興人尚書錢謙益側室著有戊寅集○按謙益字牧齋有才名如是本姓楊名隱柳蓋其寓姓也性機警而志豪宕有俠烈風初慕陳臥子名欲依以終身乃持女弟帖往訪臥子弗納始適錢牧齋號河東君順治乙酉五月

正始集

附錄

五

紅香館

力勸死難牧齋不能乃自奮身投池水中急救得甦後遭家變竟以身殉人稱晚節故朱以載題其小像詩云蘼蕪脈脈柳柳疎疎想見文君放誕初誰識秋風搖落後獨將一死報尙書蓋傷之也

春日我聞室作呈主人

裁紅暈碧淚漫漫南國春來正薄寒此處柳花如  
夢裏向來烟月是愁端畫堂消息何人曉翠帳容  
顏獨自看珍重君家蘭桂室東風取次一憑闌

遊西湖

垂楊小院繡簾東鶯閣殘枝蝶趁風最是西泠寒



食路桃花得氣美人中

王

嫩字修微號草衣道人江蘇江都人許譽卿側室著有遠遊草○修微工寫山水

花卉筆墨超妙初隸樂籍往來西湖遨遊楚粵揮灑輒以千金繼參愁山大師於五乳歸心禪悅偶經吳門爲俗子所窘乃歸許相依兵燹間誓死相從

重過雨花臺望江

春姿靜東岑雲影結遙燦坐覺高臺空不知翠微半落花自古今嘯鳥變昏旦撫化良易遷卽事聊成况况乃晴江開綠波正拍岸

湖上次韻答黃夫人

正始集

附錄

六

紅香館

去住湖邊別有緣門前紅葉滿來船劉綱夫婦霞爲骨謝韞家庭雪作篇翠袖風前誰薄醉黃楊樹底與參禪迴思飄渺伊人跡只隔鴛鴦南浦烟

山齋坐月呈主人

月上桐陰薄閒階夜氣清與君到曉坐幽思自然生

薛素素

字潤孌浙江嘉興人○素素工寫蘭竹兼精走彈初隸樂籍色藝冠一時尋謝

客借女史李龕山黃皆令緒鄰西湖之濱以書畫相娛

西湖晴泛

處處笙歌夜月年年花柳春風刺史經今多少風  
流只說蘇公

李

香

字香君江蘇上元人副榜侯方域側室  
籍與侯生有終身約時明福王僭號南京  
阮大鍼當國欲羅致侯生香君力諫止不  
與通嗣侯生客史閣部慕致香君獨守權  
黨田仰聞其名以重金邀致香君辭不往  
強之乃毀容以自全會福王選伎梨園大  
索入宮香君托病堅不承應明亡卒歸侯  
生以終今壯悔堂集有李姬傳云亭山  
人孔尙任又爲演桃花扇傳奇以表之

題女史盧允貞寒江曉泛圖

瑟瑟西風淨遠天江山如畫鏡中懸不知何處烟

正始集

附錄

七

紅香館

波叟日出呼兒泛釣船

卞玉京

江蘇上元人○玉京原名賽王琴善書  
精畫蘭開作山水喜著女子像歛署畫

中人初隸樂籍居虎邱後歸秦淮順治乙  
酉南京城破改道人裝吳梅村祭酒曾作  
聽女道士卞玉京彈琴歌贈之尋下髮號  
玉京道人因爲俗子所竊乃依良醫鄭保  
御築別館自居持戒律甚嚴刺舌血書法  
華經以報保御又十餘年卒葬惠山祇陀  
庵錦  
樹林

題自畫小幅

沙鷗同住水雲鄉不記荷花幾度香頗怪麻姑太

多事猶知人世有滄桑

董

白字小宛號青蓮女史江蘇如臯人徵士

冒襄側室○按襄字辟疆號巢民家有

水繪園小宛本樂籍女天姿巧慧針神曲

聖食譜茶經莫不精曉少長慕吳門山水

徙居半塘咏詩鼓琴杜門謝客尋歸辟疆

為側室居艷月樓中鑒賞鼎彝書畫相處

九年而卒辟疆作影梅庵憶語悼之小宛

會哀集古今閨幃軼事為一書名曰奩艷

王西樵朱鳥逸史往往津逮焉辟疆又有

二侍姬一蔡含字女羅生而胎素工字幅

山水會為墨鳳圖題咏甚多一金明字圓

玉工花卉畫有貼瓣梅花便面余曾見之

係先寫枝梗其花乃拾落梅瓣隨意粘貼

巧慧絕倫上有蘭士題云不須殺粉替傳

神却把真身作幻身為問幾生修得到落

花剛遇散花人水繪園林蔓草荒恰教留

得樹頭香紅窗小試拈花手想見

纖纖指爪長錄之以誌一時風雅

正始集

附錄

文

紅香館

綠窗偶成

病眼看花愁思深幽窗獨坐弄瑤琴黃鸝亦似知人意柳外時時送好音

衛融香

字紺雪江蘇長洲人韋子甫側室著有紺雪詩草○融香初隸樂籍與韋子甫

有終身之約韋索米他去融香不負初心

身歷險阻訪得之後子甫歿融香雉經以

殉詳載于文瀟拾薌錄

午日

強向庭闈聚尊前醉碧觴心隨人共遠愁與日俱長燕引雛歸幕榴含子笑房寸衷多恨事蘭芷弔

三湘

蔡

閏字小秋山西代州人一等子趙宏燮側室○小秋本青樓女與趙公子有終身之約會迫父命從軍匆遽言別小秋即杜門謝客越九年趙自軍中歸親訪之納為側室生子

某官知州

送別

銀燈燄短金壘歇欲語離情舌若結今夜蕭蕭一

陣霜來朝馬上看黃葉

湘

雲

遺其姓陝西長安人中書關敏側室○湘雲解音律能詩父本名諸生後流落風塵居盤豆驛北門前即玉孃湖明流秀章竹樹翳鬱風流自賞遇關舍人遂委身

紅香館

正始集

附錄

九

焉關沒杜門守志三十餘年乃終

感懷

塗朱暈碧寫春光弄草拈花益自傷爨下焦桐簷際竹人閒那有蔡中郎

荷花

濯濯紅衣在水濱閒花野草不為鄰縱然生在污泥裏細看原無一點塵

高

鳳

字碧枝山東歷城人都司許柱臣室○碧枝初隸樂籍後悔之從許生許以戰

功顯高竟受封

題桃花

妾面如桃花妾命如桃葉寄語再來人莫道春三

月

韓巫雲

四川華陽人○巫雲工小楷善歌舞初隸樂籍名重一時尋自悔風塵委身一

士會病卒乃削髮爲尼更名幻雲以清修終

鈴兒草

眾芳燦爛獨青青賺得明皇仔細聽寄語流鶯今

且去春風繫遍護花鈴

陸月香

江蘇上元人知縣那斯暉側室○按那斯暉字嘯崖月香本秦淮妓居丁字簾

正始集

附錄

手

紅香館

前色藝冠時尋悔之與嘯崖唱和相得遂委身焉

送嘯崖赴揚州

送郎赴揚州留妾金陵住郎夢江南來妾夢江北

去

乙意蘭

山東歷城人知縣袁潔側室○按潔字玉堂有才名意蘭本樂籍能文工製像

生花卉玉堂以事戍邊意蘭欲從行其母尼之意蘭製駢體文以陳情乃策蹇就道追玉堂至隴西及之因格於例留寓關內三載以待其歸玉堂爲繪策蹇圖一時名

士題咏成帙

自製剪綵雙雞贈主人

何妨雌伏忽雄飛  
裁剪雙雞寓意微  
有志四方男子  
事要即早日策征騑

婷

婷 朝鮮國公主○康熙間檢討孫致彌陪使朝鮮手編采風錄載有婷婷公主避暑詩而未及此作華亭徐振撰朝鮮竹枝詞四十首其一云紅粉清才妙一時摩詞雜句寫烏絲朱畫碧瓦深如海吟遍婷婷公主詩則公主之儒雅溫文益可想見

送春

韶光春九十別去覺匆匆  
宮柳搓深綠園桃散碎  
紅數番榆莢雨幾陣  
棟花風小立增惆悵  
相期隔歲逢

正始集

附錄

三

紅香館

古寺尋花

春深古寺燕飛飛  
深院重門客到稀  
我正尋花花盡落  
尋花還爲惜花歸

李淑媛

號玉峰主人朝鮮人學士趙媛側室遭亂死節

斑竹怨

二妃昔追帝南奔  
湘水間有淚寄湘竹  
至今湘竹斑雲深  
九疑廟日落蒼梧  
山餘恨在江水滔滔去

不還

海

月 朝鮮人俞汝舟室

貧女吟

夜久織未休，戛戛鳴寒機。機中一疋練，終作阿誰衣。

許景樊

字蘭雪，朝鮮人。進士金成立室。○按蘭雪兩兄，筠筠皆舉朝，鮮狀元官宏文館。

學士蘭雪七歲能詩，雅擅才華而不見答於金。及金死，難蘭雪乃為女冠，守志以終。朝鮮人重之，又嘗作廣寒宮玉樓上梁文，流傳中國。尤何作朝鮮竹枝詞，有最憶飛瓊女，道士上梁會到廣寒宮，句錢塘陸次雲釋史紀餘謂蘭雪才名與謝家道韞蘇家小妹鼎足，非虛譽也。

古別離

正始集

附錄

三

紅香館

麟麟雙車輪，一日千萬轉。同心不同車，別離時屢變。車輪尚有跡，相思獨不見。

感遇

盈盈窗下蘭枝葉，何芬芳。西風一夕起，零落悲秋霜。秀色總消歇，清香終不死。感物傷我心，流涕沾衣袂。

湘絃曲

薰花泣露湘江曲，點點秋烟天外綠。水府涼波龍夜吟，蠻娘輕篋瓊玉離。鸞別鳳，隔蒼梧，雨氣侵

江迷曉珠神絃聲徹石苔冷雲鬢霧鬢曉江姝瑤  
空星漢高超忽羽蓋金支五雲沒門外漁郎唱竹  
枝銀潭半掛相思月

次伯兄高原望高臺韻

層臺一柱壓嵯峨西北浮雲接塞多鐵峽霸圖龍  
已去穆陵秋色雁初過山迴大陸吞三郡水割平  
原納九河萬里登臨日將暮醉憑青嶂獨悲歌

宮詞

絳羅襖裏建溪茶侍女封緘結綵花斜插紫泥書

正始集

附錄

三

紅香館

敕字內官分送五侯家

綠羅帷幄紫羅茵香麝霏微暗襲人明日賞花留  
玉輦地衣簾額一時新



國朝閨秀正始集補遺

完顏暉 珠珍浦輯 女孫妙蓮保校字

顧若璞

字和知浙江錢塘人諸生黃焯母著有臥月軒稿○和知為前明貢生黃茂樞

室早寡奉姑教子以清節稱學裕經濟著作等身尤好講河漕屯田邊備諸大政巾幗中奇人也

國初諸老宿皆極推重余久欲覓臥月軒集

而不可得今秋金生守椿始以此二詩相質適大兒麟慶又檢呈鍾仰山少宰姚伯昂詹事瑞芸卿學士威蓉臺洗馬吳巢松

侍講劉英初姚笙華劉陸堂三大史姚餘菴給諫蔣雲簪銓曹岳中峰水部桂一山

宗滌樓二舍人車珊濤內史文心薌冠軍劉松嵐王藝齋二觀察吳蘭雪刺史蔡桂

山司馬何棣士馮菽橋周宣史熊聽淥袁

正始集

補遺

一

紅香館

素珊汪香浦六大令楊雨亭范紫嵐二州

倅鄭鴻亭都官夏朗齋張魯岩二廣文張

雨田孝廉唐海瓢潘星齋二秀才及張生

溧四姪爾濟先後寄贈各作余因補輯

卷而彙載采訪姓氏以誌一時之盛時

辛卯八月既望紅香館老人珍浦又記

秋日為兩兒修讀書舫泊斷橋作

聞道和熊阿母賢翻來選勝斷橋邊亭亭古樹流

疎月漾漾輕鳧泛碧烟且自獨居楊子宅任他遙

指米家船高風還憶浮梅檻短燭長吟理舊瑣

暮雨

澗草依依浮玉隄楊拂拂迷烟江上浦帆欲沒村

中桑女爭還

姚

氏 浙江上虞人徵士黃宗羲母。氏為前

明黃忠端公尊素室子三長宗羲字梨

洲次宗會字澤望季宗炎字晦木均諸生

講學不仕初忠端公因劾魏忠賢客氏下

獄死崇禎時梨洲年十九草疏訟冤袖鉄

椎椎逆黨許顯純故崔應元鬚時以忠義

孤兒勿問歸遊劉蕺山先生門福王監國

阮大鍼秉政復被逮明亡脫歸奉母以老

康熙閒薦舉鴻博辭不就試

詔取所著書宣付史館

咏扇

世間物性初無定百鍊鋼成繞指柔何似蕉蒲經  
織後能將九夏變三秋

正始集

補遺

二

紅香館

何

氏 山東蓬萊人貢生吳曾甫母。氏為前

明吳如諍室年十八嫁五月而寡欲以

身殉舅姑勉以保護遺腹子始進食尋生

曾甫課讀成立順治中邑人公舉節孝

述志

精衛銜枯石期填滄海流松柏抱貞心苦節勵巖

秋父有指腹婚歸期偕白頭結褵未浹歲駕言燕

薊遊中道逢虎啞白骨委荒邱哭之星斗變詠之

鬼神愁願邀雙日月為照心悠悠

衛琴娘

浙江天台人。順治三年兵亂被擄抗

節不屈潛逃至甘露寺楊公祠以炭書  
二絕并小敘於壁遂斃  
祠下事載丹徒縣志

甘露寺題壁

衣片鞋幫半委泥，千辛萬苦有誰知。  
幾回僻處低頭看，獨自傷心獨自啼。

目斷天台旅雁長，青山綠水杳茫茫。  
不知憔悴中塗死，魂夢何時返故鄉。

柳依依

字靈和，江蘇江都人。方墳室。○靈和寓居姑蘇，順治乙酉兵亂，被擄，抗節不屈。絕粒七日而殞。吳人重之，建祠虎邱。袁才子隨園詩話指為凡仙，蓋未徵實也。

渡江

一葉扁舟萬里程，五銖衣重白雲輕。  
三秋曾飲銀

正始集

補遺

三

紅香館

河水嚶向蛟龍不敢行

莊

氏

江蘇武進人。舉人侯曦祖母。以節賜旌。○按氏為前明進士侯鼎鉞母。侯進士出黃忠端公道周之門。順治初，奉母隱居屢徵不起。闕歲母卒，乃奉遺詩詩忠端公夫人蔡氏玉卿為銘。蔡夫人因手書成卷，題詩誌感並綴一序。其詩曰：淳懿發至性，冰潔勵松筠。如何遭薄祜，中道折良人。晝哭哭無盡，瑤草沒青春。况乃秉端操，儉勤素所遵。子讀母夜作，無忘夕與晨。諄諄惟爾諭，恐不克負薪。事翁復至孝，含德振彝倫。教兒繼祖業，不敢尚逡巡。無愧昔鄉母，三遷擇比鄰。履仁道所貴，服節豈終屯。孫既列賢籍，子亦負簪纓。一門荷榮顯，流澤布徽聲。猶驚陸前緒，兢業保令名。慙余負四教，得配君子庭。豈期遭板蕩，王室倏以崩。夫志炳日月，苦節終以貞。萬里歸孤

觀碧血灑鍾陵捐軀事則已豈顧兒女情  
撫茲四孤孽羅列未成行况無擔石積寧  
保立與成深負泉下人不得俱死生感傷  
五內裂涕泣淚縱橫慚讀貞烈詩彤管播  
芳馨不愧表旌節婦式照汗青至  
今石刻藏金陵侯氏合並記之

### 臨終遺詩

憶余遠巖慈十六締家室舉案倣齊眉相莊友琴  
瑟屈指甫十春昊天降酷烈摧我連理枝折我雙  
飛翼號天天無光哭日日無色聲咽不成啼淚盡  
繼以血漿粥不染辱寸腸痛碎裂誓死三尺繩微  
軀奚足恤睠顧膝下孩難割此雛孽更思腹中兒

正始集

補遺

四

紅香館

抱血不忍擲余母滄交頤勸予姑進食因以偷餘  
生課兒任厥責長兒歲八齡腹兒僅濡沫寸壤望  
喬嵩疇年幾成立呼兒夜讀書篝燈事剪尺中夜  
每悲啼蟲聲答唧唧兒或荒於嬉童心玩歲月雖  
愛能勿勞提誨敢姑息操杖薄責之未下余手怯  
懼負九原人又憐兒啼泣踟躇涕漣洏擲杖淚流  
臆翁也憐孤兒以祖代父職諄諄踰蒙師每自坐  
師席翁又殞大星悲腸倍百結雀牙外侮來榛棘  
世途仄龜勉督吾兒焚膏繼祖業乙卯倖邀天兒

名廁賢籍豈不破愁顏歡中帶慘戚父也苦埋頭  
未展雲中翮孺子席其餘父又弗能覲撫此泥金  
書霑淚悅巾溼呼兒立庭中訓以父遺德父行勵  
皎霜父襟霽白日雖云給舍兒寒素乃厥實初余  
歸爾家規余謝綺飾父唯知讀書余亦唯衽織閉  
戶寡見聞幾不辨菽麥口不言錢刀言之類亦赤  
甕蹙行道中塗人罔有識檢身如處娃恂如慎口  
舌古樸盍逕趨偃庭無履跡入室儼大賓燕居屏  
狎客天性惡繁華布袍數浣滌不獵豪俠名不蹈  
正始集 補遺 五 紅香館

貴兒轍不隨世態籛不因家勢熱笑彼齷齪者胡  
爲戰蝸國立志奮鵬鵬餘人盡鶩鴨趨步慕聖賢  
矢志恥苟得或以阿堵歆髮指怒冲幘或以尺牘  
干手裂紙飛陌豈謂我性柔乃以腐鼠嚇我固童  
子鴻不愧父清白卽之則溫良犯之仍巖嶮括囊  
慎有餘干霄氣莫過義交恆澹如不爲嘖嘖密一  
二道誼朋締好比膠漆蓼水有徐君筆硯相晨夕  
共披忠烈書拍案叫快絕相對評古今達旦夜不  
席其性煦于春其腸勁于鐵立志邁千秋傷哉中

道折小子奚有能父慶所流溢勉矣毋忽忘鏤鉢  
父遺則兒乃倖速飛薄種小有獲公車踰十年偷  
蔭耽遊逸青雲阻半途九原心愈惻兒雖已眉鬚  
命跪爲兒述兒時戲以嬉父唯勤以飭兒時近狹  
邪父絕平康迹兒時披綺羅父衣唯毛褐兒時饜  
肥甘父唯呷齏汁兒時娛管絃父未曉笙笛兒嬉  
荒歲時父讀忘冰雪兒館塵封几父館晝下鏹父  
耕子乃畚天眼從古碧兒顧自滿盈竟爾忘先澤  
非余覬冠帔責兒如此急慮兒壯志灰懼兒中道

正始集

補遺

六

紅香第

跌黃泉望欲穿待兒賁幽蹟能無涕滂沱爲兒絮  
言說丁丑倖春闈仰藉先人烈況出黃師門山斗  
幸不遯寄柬馳長安茲售良可悅余愧未同歸已  
蒙荷旌節父行多隱潛仰乞如椽筆吾爲一開顏  
得慰素願畢忽聞除齊安未免衷違迫正處驚愕  
時曦孫報蘭茁俯仰四十年悲歡判今昔然余懼  
盛盈徼天太耀赫一子拖綬紳一壻先袍笏雛孫  
髮覆肩叨榮復寫奕月滿防其虧日中憂其昃兒  
曹來吾前婦媳喚俱集旣已勒兒箴亦思勤婦式

勿以泥沙侈勿以晏安溺勿以珠玉誇勿以簧舌  
惑常思富可貧貴亦可賤易夜月理機絲朝暎就  
盥櫛知余晚向榮不知早茹蘗如何口捋茶遺茲  
田與宅如何歷險巇屈茲脫岑寂哭夫哭次兒順  
少恆多拂哭翁哭母姑喜一愁恆百榮枯倏忽移  
衰盛古今驛男行祈全瑜婦職無圭缺長此交相  
成內外各努力毋學世途僇吾自安吾拙蒼天不  
負人施償理自直余語不厭多聊以代砭石止此  
不更言祈早歸同穴聚首可千年少補存亡隔曷

正始集

補遺

七

紅香館

願海籌添曷畏夜臺黑合掌叩蓮臺眞性勞收拾  
撒手卽歸家笑與兒孫別此詩藏匣中留俟他年  
刻

林玉衡

字似荆福建福清人布衣茂之妹倪廷相室○按茂之字古度以詩名似荆天

資穎悟年七歲承母王美君教解吟詠會建小樓落成值雪後月命之作應聲賦此

樓成口占

梅花雪月本三清雪白梅香月更明夜半忽登樓  
上望不知何處是瑤京

孟坤元

字順成甘肅清水人舉人何學海室

滕王閣

憑高直瞰大江浮，弔古還登帝子樓。千載文章傳絕調，一時雅燕盡名流。落霞孤鶩齊飛晚，遠水長天一色秋。誰道閨中胸次窄，也將詩筆記清遊。

徐元象

字奇，傳湖北廣濟人。舉人張楚偉室。奇傳詩文有雋才，其京口寄父書王漁洋尚書。

丞賞之

送外

送君入楚江，悠悠歸路長。一去隔千里，魂夢伴瀟

湘

正始集

補遺

八

紅香館

謝玉娘

廣東揭陽人，諸生陳藝衡室。

春暮

半砌苔痕細，雨侵金猊香。盡冷鴛衾夢，魂不向花閒去。畏聽春鶉一夜吟。

計氏

江蘇上海人，諸生張永皓室。

中饋辭

織紉之餘，庖厨有俶。酒漿籩豆，膳飲饌粥。烹飪必親，勤率婢僕。衣食之原，艱難用勛。淡泊安分，所以

養福



陳端敬 字玉田江蘇常熟人諸生韓驥室尚書封祖母 誥贈一品太夫人

讀內則

降德始閨門細大無不備首表盥漱儀其次及歛食推之養老夏末後學女事羅羅數百言著力苦無地不知孝與敬一篇三致意開卷求其端掩卷得其義父母與舅姑卽此可承志

吳氏 浙江德清人贊善沈三曾室編修樹本母著有花萼軒集○按三曾字允斌康熙丙辰進士樹本字輪翁

康熙壬辰榜眼均有文名

詩牌集字卽咏

正始集 補遺 九 紅香館

韋家紗幔鎮長垂  
綈几親裁集字詩  
穿就明珠光  
有耀緝成碎錦跡  
難窺堂前才士思  
韜筆階下諸  
兒強綴詞何事謝  
庭誇散朗因風隻  
句枉稱奇

汪氏 漢軍人學士覺羅逢泰總督覺羅滿保繼母 誥封一品太夫人以節 賜旌

○氏年二十二而寡家貧甚撫前室子三親課經史逢泰滿保俱成進士康熙五十九年八旗博訪貞節氏以受封例不與特旨旌表藍鹿洲太守爲作汪太君傳

院署偶成

清晨坐聽鼓三搗  
庭院深深靜不譁  
禮罷佛香簾

半捲篆烟一縷繞窗紗

花含英

浙江仙居人  
張源長室

秋柳

瘦腰愁黛鎮堪憐  
幾見垂絲冷暮烟  
秋雨樓中誰  
弄笛夕陽庭外剩  
鳴蟬黃花無恙辭  
官日白首關心  
種樹年一片離情  
秋黯淡何須重問  
畫橋邊

嚴宗光

字餐霞浙  
江長興人

題媳潘本温桐韻詩  
剛夢花小草卷後

春花秋月共平章  
剪燭西窗擊鉢忙  
婦德女工常  
自抑最煩心處是  
羹湯

正始集

補遺

紅香館

姚霞齡

浙江仁和人  
孫懋觀  
室著有晚雲樓遺稿

病起

幾日荒園未得遊  
偶來草徑綠猶稠  
鐘聲遠近烟  
中寺樹色微茫雨  
外樓臥病心情仍  
帶懶殘春天氣  
正多愁畫梁燕語  
渾無緒故向檐前  
絮不休

陸么鳳

浙江錢  
塘人

秋閨思

晚來疎雨過人頭  
風靜羅衣颺不休  
漫拾亂紅題  
小字暗驚新句又  
悲秋

湖烟漠漠晚棲鴉自掃楓香坐煮茶一帶芙蓉寒  
映水那知愁思屬兒家

楊 芬

字瑤季江蘇長洲人御史  
沈懋華室著有瑤華集

鴛鴦

春暖池塘烟草齊彩毛初浴淨無泥眼沙聊借莎  
爲褥戲水還將浪作梯繡出羅衣相對舞織成錦  
帳一雙棲芰荷香處深深隱一任虞羅障碧溪

鍾若玉

字元圃江蘇長洲人周官室  
元圃工寫墨梅書法蒼古

月夜

正始集

補遺

士

紅香館

西窗遲月上風細暗香浮夜靜留花砌更殘冷翠  
樓離懷憑去雁扶病又經秋暗訴長隄柳天涯縮  
別愁

郭 瑛

字景曹浙江富春  
人進士王禰松室

雜咏

偶於清曉捲珠簾好放雙飛燕出簷忘却此身原  
是客又收山色入詩奩

袁 氏

浙江錢塘人知  
縣袁枚姑母

責郭巨

孝子虛傳郭巨名承歡不辨重和輕無端枉殺嬌  
兒命有食徒傷老母情伯道沈宗因縛樹樂羊罷  
相爲嘗羹忍心自古遭嚴譴天賜黃金事不平

沈

氏

浙江桐鄉人姚濂聘室以節烈 賜旌  
○氏年二十婚期已定而濂卒父母知  
其志不可奪送之往遂留夫家伴靈終三  
年喪立繼子營葬畢作詩自到不殊復吞  
針如故夜夢其夫曰汝當效夷齊耳遂  
絕粒卒時康熙五十六年丙申夏日也

絕命詩

少小曾翻烈女篇敢將心跡擬前賢只知從一而  
終義一命追隨到九泉

正始集

補遺

十一

紅香館

伊禮哈

佟雅氏字芬若滿洲  
人雲麾使文麟室

贈上方山老尼

早悟無生理常依元鶴宮壺中綿歲月世外飽霜  
風玉版參來熟金針度更工春山閒采藥不讓李  
騰空

林

璵

字自芳福建侯官人謝廷詔室  
以節 賜旌著有自芳偶存稿

遊李氏山齋

鍵戶浮過七十年偶同女伴陟山巔景當勝處堪  
娛老心到清時可悟禪曲榭花多迷窄徑層岩石

瘦噴流泉莫非米氏留奇筆描出烟光別有天

張似誼

字鸞賓安徽桐城人大學士謚文和廷玉女主事姚文燕室著有保艾閣詩鈔

月夜憶外

霜風月影透窗紗香冷金猊燭吐花料得寒侵孤

客枕相思應有夢歸家

歸

字溶溶江蘇蘇常熟人

春日邨居

竹翠沙平迥絕塵澄江苜暖鴨知春門前車馬應

嫌僻鏡裏鶯花不笑貧幾陣疎風開柳絮一番瘦

正始集

補遺

七

紅香館

雨淨苔茵年來種得桃千樹偷放仙源學遊秦

姚益鱗

字竹筠號繡巖浙江烏程人嚴兆孫室著有吟香樓草

宮詞

中官宣詔按新箏玉指輕彈別恨聲恰被東風吹

散去君王乍聽未分明

任

字靜宜江蘇江都人諸生王子莊室

初春卽事

篆靄湘簾潤波光曲抱榴山雲含雨氣林鳥變春

聲茗熟琴心古花香蝶夢清半窗風動處松子落

棋枰

宋頴珍

江蘇揚州人御史王樹芳側室○頴珍能詩工篆書與嫡鄭蘊英多倡和作

七夕詞

挑完錦字夜風賒穿罷金針月影斜再拜雙星非  
乞巧來生莫作後庭花

江瑞芝

字天香甘肅靜寧州人舉人劉伯鸚祖母著有蟬鳴小草

老龍頭弔古

長城至此入海

長城雄峙海東頭可奈秦封二世休山色未消前

代恨潮聲猶帶舊時愁三千白骨何年瘞萬里征

正始集

補遺

古

紅香箱

魂此地收獨有孟姜墳上草青青不沒自常秋

吳

淑字伴梅浙江錢塘人汪碧園室○伴梅為女史陸若筠女曾輯其母詩集倩衍

聖公孔傳鐸序而傳之

酬碧園

涼生羅袖入新秋燈下微吟火欲流窗外無端風  
雨過懷人江上起離愁

沈琳仙

浙江歸安人編修樹木女諸生吳丹峰室

漢宮秋

誰家佳卉屬劉家爛漫空教物有華金屋夜沉宮

盡草雁門人去漢無花虞兮解舞愁如結桃葉能  
歌興已賒往事不堪秋色裏漫攜紈扇近窗紗

莫兆椿

字蘭芳江西南昌人通判吳興宗室著有蘭芳閣淑性編

贈蘇夫人

譜系彭城舊蒼山壺範新不緣門地貴早識性情  
真柳絮吟風暖椒花筆露勻香閨遲驛使紙帳獨  
愁人

登吳山贈淡菴女鍊師

探奇忽向最高峰客裏遊仙覺道蹤菊徑秋開金

正始集

補遺

十五

紅香譜

鎖鑰花臺雪捧玉芙蓉地緣人傑新芝秀路隔天  
梯斷谷封物外相逢真不易山深遙聽暮林鐘

張玉貞

廣西柳城人趙得珍室  
玉貞早寡以清節稱

倦繡

花氣濃薰鏡檻竹風涼度疎簾情長錦瑟絃斷繡  
倦金針倒拈

題海烈婦祠

祠額曰香閨鐵漢

艷質從來利女貞狂且何故擾冰清可憐一死成  
千古留得香閨鐵漢名

王

瑾 字潤如江蘇江寧人以節賜旌著有味藜居稿

對竹

萬个琅玕畫色昏便無風雨也銷魂生成竹是婁  
涼命只替人間染淚痕

馮

儀 字如蘭山東益都人諸生陳師錫室

登晴川閣

佛閣岩堯景物妍疏梅香透竹籬邊萬家烟火山  
連郭一派江濤水接天葉葉風帆交極浦層層雲  
樹隱晴川登臨竟日憑欄處草木多情亦可憐

正始集

補遺

十六

紅香館

袁

倩 字蝶仙江蘇長洲人顧益齋側室著有蝶仙遺草

曉起遣興

半牀初睡足抱日倚簾斜鵲占巢爭樹蜂默蕊開  
衙山光分野墅春色到鄰家心事憑誰語銜杯細

啜茶

汪

璫 字催翁浙江烏程人國子監助教徐以坤室著有修竹吾廬詩草

嘲柳

却笑陶彭澤空傳五柳名看他風過處腰折善逢

迎



彭玉畹 浙江海鹽人陸烜室○玉畹工琴

### 秋夜寄遠

眞向山陰道上遊  
日歸何日詠刀頭  
吳歌聽徹烟江月  
楚簟涼生水閣秋  
岷縣東迴難著屐  
剡溪南下不通舟  
尺書未寄寒衣薄  
莫眺天邊風露樓

鍾文淑

字學姑安徽舒城人諸生張同工室編修萬年知縣慶昌母

### 垂釣

鷗自忘機水自流  
掉來小艇一竿投  
羽沈最喜纜啣餌  
綸掣何妨慣脫鈎  
雙槳夕陽紅蓼岸  
片帆明

正始集

補遺

七

紅香館

月白蘋洲等閒收拾  
蓑衣去把酒高歌傲五侯

鍾文貞

字睿姑文淑妹貢生吳綱室○睿姑工琴

### 蝴蝶花

不向花間晒粉衣  
偏從花裏鬪芳菲  
誰云祝女裙邊幻  
豈入莊生夢裡飛  
曲逕烟濃春欲晚  
南園風暖綠初肥  
香心素艷渾無那  
好借滕王妙筆揮

### 遊冶父山

樹裏湖光一鏡開  
水精宮外有樓臺  
散花不到維摩室  
親捧雲珠供佛來

徐

錦字珠村浙江秀水人朱辰應室。珠村好讀理學書中年玩易手書卷尾云吉凶消長常相倚伏

故君子順受其正

益松

檻外窗前聊自安於今誰作棟梁看任他挫折凌霄志勁節依然傲歲寒

鄭渾冰

字水心福建閩縣人林楚麓室著有續餘吟草。水心工律賦有集典麗可誦

閨花朝

會牽鈴索護蒼苔為算佳辰又一回香國更傳消息到芳叢仍送暖風來醉撾羯鼓春剛半笑折花

正始集

補遺

六

紅香館

枝信已催看取女姨生日再換紅轉綠約重開

遊仙紀夢

曾步瑤臺宴玉京排空歌罷奏鸞笙飛瓊脉脉頻相囑莫向人閒漏姓名

王桂蟾

字綠雲順天大興人

題千墨菴重摹七姬志石刻

何年玉骨委雲根屈指娉婷倩女魂青鳥啼殘香欲燼金蓮栽罷火猶溫仙姿此夕歸坯土貞性當時報主恩碑蝕苔深留古蹟令人憑弔憶吳門

汪氏湖南善化人

送父之粵東

驪歌纔唱惹新愁况復西風雁叫秋鬢白未輸兒  
女債年豐猶作稻梁謀關河迢遞人經慣寒暑隄  
防老更稠瘴雨蠻烟非樂土叮嚀早自覓歸舟

孔淑成字叔凝山東曲阜人博士  
廣籙女著有學靜軒草

侍母點消寒圖

堂上傳呼停繡襦慈萱看比掌中珠鶴眠積雪三  
三徑猩點消寒九九圖月影清如今夜好梅花香  
正始集補遺  
元紅香館  
似去年無眼前索笑隨曷妹博得歡顏韻不孤

黃楨字雅宜浙江仁和人州同袁龍文室

燈花

銀釭奪月吐光華影入窗櫺透碧紗未忍輕挑私  
問汝不知何喜報吾家

吳蕙字香宜江蘇上元人知府袁樹側室

春晴

細雨連宵溼軟塵今朝晴放一窗春柳絲低舞花  
添笑都似風前得意人

孟

楷 號淑端內史  
山東鄒縣人

贈黃雅宜吳香宜二女史

誦君佳句愛君才未對菱花卷已開想是瑤池曾  
結伴詩仙逃下一雙來

梁符瑞

字紫瑛福建長樂人太常寺卿上國  
女知縣龔豐穀室著有崑輝閣稿

白菊

滿園佳菊占秋光恰好黃花學素粧三徑月明初  
見影一籬霜重但聞香清冷倍稱高人座淡泊如  
標晚節芳欲問瑤華開遍未水晶簾隙尙微茫

正始集

補遺

三

江香館

梁蓉甫

字韵書符瑞妹教諭許濂室著有影香  
窗詩鈔○韵書姊妹爲女史許鸞案女  
同承慈教均以詩名韵  
書江琴書畫尤善填詞

秋夜步月見銀河

晚空蒼茫弄寒碧疎簾未捲蟾蜍入捲簾望月見  
銀河白練橫空幾千尺一泓澄澈涵天秋銀雲無  
聲作水流月波一片流不盡泛泛長在東西頭花  
陰滿地波紋起幽人立在秋江裏不知銀漢幾何  
深夜夜傾來一庭水鵲橋邊風露寒長河悠夜  
俱漫漫誰家窗外霜砧急催得銀河落曉山

杏山道中

營壘消除殺氣清行人日暮自心驚雲行萬里龍  
蛇陣風戰千山草木兵壯士天河曾洗甲將軍麟  
閣已題名祇餘白草荒原上無限精靈對月明

高麗墩懷古同蓮叔夫子車中聯句

殘墩歷閱幾滄桑蓮長使行人弔夕陽一路青山

皆拱北蓉千秋白馬尙來王唐皇血戰唯留殿蓮

箕廟明禋有薦薌此日郵程次第數蓉他時清夢

繞高岡蓮

正始集

補遺

三

江香館

范

氏浙江嘉興人○氏家貧甚又櫻痲疾蕭索無聊性以吟詠自遣紅顏薄命悲夫

紀夢

昨夜幽窗夢依稀轉故鄉篆烟浮曲檻竹影照迴  
廊寂寞人無跡朦朧月有光蘭閨仍似昔覺後倍  
淒涼

書懷

修行有力超生死煉性無方制病魔剪燭愛吟團  
扇句焚香時詠莫愁歌紅塵綺麗關情少翠幃烟  
霞入夢多夙孽傳身思懺悔虔心常救撲燈蛾

俞

桂 字琦英浙江仁和人

無題

纔唱驪歌日漸曛  
牽裳官道淚紛紛  
紅英陌上花無主  
錦翼雲中雁斷羣  
玉鏡幾時還照影  
金爐從此罷燒薰  
聞知天上無離別  
願得相攜駐白雲

方

芬 字采芝順天大興知縣方維翰女著有紅蕊山房學吟稿

阻風敬步伯父原韻

十一歲作

大風徹夜舞狂漪  
正是扁舟繫纜時  
兩岸霜楓縈遠夢  
一帆寒雨亂鄉思  
江閒白浪青山動  
天外黃雲畫角吹  
寄語石尤須早息  
揚舲穩渡莫教遲

正始集

補遺

三

紅香館

讀杜少陵詩

爲愛新晴展卷宜  
小窗細讀少陵詩  
分明國史同家乘  
一洗人閒月露辭

劉蘭雪

廣東南海人

元宵卽事

簾外相傳問阿誰  
女郎攜撰踏燈詞  
星辰錯落西涼府  
日月交臨太乙祠  
蘭麝暗烘花氣早  
笙歌響遏漏聲遲  
香車冉冉遊何極  
暫把新詩付雪兒

慶

徽字吉媛蒙古人貢生札史女孫副都統德奎室○按札史字彬如篤於內行乾隆二年八旗公舉孝友

特旨賜六品頂帶以旌之

春日偶吟

深深庭院靜無譁  
細雨和烟溼杏花  
且喜閉門塵事少  
二南讀罷誦南華

衛

氏

湖北漢陽人知府鄒貽詩室知縣堯廷母

雨中度嶺

嵐光看不定回首失斜暉  
莫辨峰千疊唯餘綠四圍  
雲流山欲動風急樹如飛  
絕嶺人家少籃輿何

正始集

補遺

三

紅香館

處歸

秋夜感懷

白雲遙望自縱橫  
粵水吳山意獨縈  
生女原知終外向  
思親那禁悵中情  
鳴蛩入戶秋能語  
落葉敲門夢屢驚  
鄉思離懷拋未得  
小窗愁對短燈檠

凌瑞珠

浙江歸安人○瑞珠年十二卽有詩名

石溪亭

小桃齊放舊梢青  
嬌嬈遙嵐徹翠屏  
約畧百花潭畔見  
畫樓紅影落谿亭

江墨莊 安徽安慶人巡道阜  
女諸生左湛涵室

失鶴

誤信林泉得所依，難甘雌伏又雄飛。  
纔銜花去啄岩石，不共月來窺釣磯。  
塵世何方非借境，海天有路忽懷歸。  
超然未受樊籠苦，慎勿輕投朱戶扉。

江鴻禎

福建福州人著有焚餘存稿○鴻禎年  
七歲卽能鼓琴九歲工詩年十五夢紫  
衣女六七人招之遊謂曰爾與吾皆閩風  
侍女也爾其歸乎醒以告母牽衣而泣乃  
索平日所作詩焚之曰不可留爲人世口  
實援琴彈一曲不成聲曰人琴俱亡矣遂  
推琴而起尋卒其舅氏陳登龍詩人  
也憐其才檢焚餘所存敘而傳之

正始集

補遺

五

紅香館

王右軍書曹娥碑榻本歌

古來奇節誰卓越，曹家女兒擅名烈。  
指軀殉父赴長流，石破天驚此奇絕。  
上虞江頭風倒吹，靈旗撿抑寒鴉飛。  
邯鄲意匠洵巧妙，黃絹幼婦銘豐碑。  
烏衣公子王逸少，晉代才人兼墨妙。  
黃庭神仙樂毅忠書法，于人有深肖。  
細書此本尤精微，筆筆鋒神見孝思。  
直將格地通天意，幻作簪花倒薤奇。

寄兄

膝下長居好，依惜遠行身。  
隨征雁去愁，逐晚潮



生岸瀾雲山寂江空夜月明更深不成寐應念倚閨情

方彥珍

字靜雲號岫君江蘇儀徵人諸生程立基室著有有誠堂稿。女文選亦能詩

荆軻

壯士今何在蕭蕭易水寒悲歌虹貫日怒氣髮衝冠力爲知交盡軀因生劫殘重泉何所恨獨恨誤

燕丹

秋泛 回文體

淼淼波平岸深懷感暮秋擾雲紅樹密翻浪白鷗

正始集

補遺

三五

紅香館

浮鳥巧啼幽竹花踈放遠洲小航灣僻渡蘋藻簇舟游

張瑾英 浙江歸安人

題蕭山汪氏雙節詩後

拂鬱情懷各自知中衰門戶共支持寒裳對月縫  
來澀香稻春芒炊得遲一母先酬歸室志廿年偕  
續柏舟詩同行同願前無古彤管新編女士規

王如圭

字麗則江蘇婁縣人

題秋江觀濤圖

一舸爭流出秋江五兩風濤驚聲似弩客信氣如  
虹匹練微茫外層巒縹緲中蓬瀛知不遠日照海  
門東

顧文琴

字徽則江蘇華亭人王丕曾室

歸途風雨

浪打風吹破寂寥暮雲黦黦水天遙舟人不省歸  
心急猶自停橈候晚潮

虞惠芬

字玉如江蘇金壇人同知鄭士杰室著有竹月山房詩鈔○按士杰字徽軒與

大兄麟慶同舉進士出蔡申甫學士之門

正始集

補遺

三

紅香館

京口舟次

淼淼烟波濶桃花著雨芬檣聲搖客夢帆影挂春  
雲北固橫青靄西津澹夕曛清風何處落孤磬月

中聞

孫玉樹

字芝香順天大興人庶吉士濟女知縣潤姪女

黃鶴樓

高詠誰能接上頭憑虛覽盡古今秋兩峰雲氣連  
三楚萬里江聲聚一樓書到瓊都須借鶴歌聽玉  
笛欲呼鷗遙思滿目芳洲路覩此應拋去國愁

袁

字小芬浙江錢塘人知縣史璜室著有靈簫閣詩選○小芬為子才太史女孫

詩有家學

### 春雨

點點霑衣溼絲絲繞檻斜綠勻將鬪草紅潤待簪  
花遠岫疊朝靄前村明斷霞幾家茅舍下相賞話  
桑麻

### 夜坐納涼

碧天雲淨露華濃閒坐迎涼小院中移榻愛教身  
近月卷簾還欲面當風蕉圍曲檻千重綠燈閃高  
樓一點紅謝却塵氛添逸興誰家橫簾度遙空

正始集

補遺

三

紅香館

吳仲嫻

字澹香浙江仁和人鴻臚寺序班明義女諸生聞銘室

### 讀熊澹仙女史詩話

茗椀香爐伴晝吟清詞麗句獨研尋名花過眼須

珍惜費盡閨中鎖日心

虞山女史

姓氏無攷○余曾見一便面繪五色蝴蝶神采栩栩後書此詩細膩熨貼

手錄存之嗣吳甄甫太史示以代詩詩筒內亦有此云係歸佩珊作合並誌以備攷

五色蝴蝶

青陽初轉見來稀忽訝林間一葉飛拾翠暗翻遊

女袖采藍新染侍兒衣春疇花細銜鬢瘦瑣闥香  
深側翅肥香徑未迷河畔草尋芳時見柳梢歸  
黃金散盡菜花稀猶傍芳畦貼貼飛村裏來時分  
菜色枝頭捎去誤金衣窈從香徑魂俱定舞入秋  
林體不肥勝似蜜房諸伴侶經營花事不會歸  
赤欄杆外見依稀誰剪朝霞片片飛堦藥枝頭酣  
曉夢石榴花底燄侵衣自饒香艷胭脂溼不愛青  
酸梅子肥一抹紅妝芳草路多陽影裏逐塵歸

白粉牆低風信稀趁時時見一痕飛亂飄柳絮難  
正始集  
補遺  
三  
紅香館

尋跡細舞梨花不觸衣夢裏仙姝全縉素眼前公  
子笑輕肥南圓草綠香塵暖紈扇頻搖晚未歸  
黑甜鄉裏世情稀栩栩誰教兩翅飛入夢真看園  
是漆探花偏仗鐵爲衣沙堤影拂烏紗貴妝閣香  
憐鴉鬢肥欲繼元嬰親潑墨爲君寫照早言歸

石

巖浙江仁和人○石巖姓蔣工  
琴初爲鉅室侍姬後入空門

題達摩像

折葦江流疾似帆九年枯坐向寒巖靜中悟得言  
詮妄笑把如來大藏緘

宋景衛

江蘇長洲人諸生程樹聘室以節  
旌。景衛幼穎異喜治經年十二字程

生會生以哭大父殤景衛請於父素服歸  
程行廟見禮時舅之父方在殯成功服於  
柩前又易齊衰於姑之柩前然後哭拜夫  
柩變服成禮三年畢速事舅十餘年立姪  
光欽爲後光欽天又立光鑑初舅既喪其  
夫兄貧不克葬景衛積財三十年始反葬  
舅姑於祖墓別葬夫於吳門乾隆三十一  
年公舉請旌時有姜貞女桂重其志自作  
柏舟圖賦詩贈之又有二婢一衛喜字於  
張張死不再字一陳壽嫁朱年二十而寡  
無子皆依景衛以老云辛卯秋九姚山長  
春木示二詩余歎觀止卽取以殿斯集焉

正俗歌爲陳媛作

有序

陳媛名淑睿字于林未及行而婚殤居頃

正始集

補遺

三

紅香館

之有請昏者遂自經死余高其義又聞其  
爲前明檢討五經先生繼之裔作詩美之

禮義廉耻四維立綱常名教萬古植無愧於口無  
愧身無愧於身尤汲汲婦人再醮知身污若乃未  
昏心每惑一身那可容二心心失誰云身不失卓  
哉陳媛毓名閨五經先生蘭芽茁習禮明詩幼字  
林桃夭未賦所天卒烈女不肯更二夫相從地下  
尋靈匹見者哀號聞者悲大吏上言采訪實旌門  
表墓佇恩榮文人詩歌盛緇帙嗟予抱璞稱未亡

傳聞益覺心悽惻閒嘗讀書考五經管窺易象參  
彖翼男女睽而其志通已字未娶可推測坤道含  
章利永貞從一而終恆其德苦節悔亡不節嗟安  
節之亨甘節吉人心道心辨尚書精一微危中允  
執動罔不凶德二三終始唯一臻厥極忠貞世篤  
緬家聲無忝爾祖躬自飭詩經三復柏舟篇髧彼  
兩髦我儀特斯人去也矢靡它勿匿初心矢靡慝  
在室自誓首共姜聖人取爲後世則郝鄒諸儒闡

說殷

郝仲輿鄒肇敏俱云共姜未嫁

死同穴而穀異室柏舟齊女

正始集

補遺

三

紅香館

中壘編仁至城門衛赴急保母請還置罔聞竟入  
持喪表衛國凡未適人許嫁矣春秋經傳標特筆  
僖公九年書伯姬何休公羊洞經術字而笄之待  
成人繫屬於人養貞一明與未字之女殊原貞援

引曝書集

朱竹垞爲高蔣氏作原貞引以爲論

女而不婦貞爲行盲

左穀梁弗沿襲共姬比例聖所褒堯峰南昉說堪

憶

彭旣庭女字于計未昏殉節汪堯峰作志以共姜比例彭南昉爲吳孝貞志銘卽踵之許

嫁纓爲禮記文名以行媒遂相識兩家齋戒告鬼

神壹與終身不改草聚有吉日未成昏夫死亦如

壻弔泣女服斬衰往夫門未嫁服同已娶式婦人  
不二斬謂何天不二耳儀禮悉可服可往明可從  
愛人以德休姑息舉世昧經謂過中此旨不明道  
幾熄人求盡倫安能過五倫祇恐常不及由來夫  
婦比君臣策名亦有未受職清風孤竹師夷齊商  
朝未祿周恥食推觀子弟事父兄豈必一一親顏  
色父子繼絕或背生兄弟前後或南北追思孝友  
自性成非緣見面乃盡力朋從尙友及神交寧須  
把臂投膠漆揆此可知婦與夫性真相感當循率  
正始集

補遺

三

紅香館

殷情何必同衾幃問名已定羞羞忒當知勉義非  
溺情身潔心安理亦得幼從父母最初言初命是  
遵戒私暱不悖於理曰無違許嫁之語由親出弗  
虧其體弗辱親立志不渝貴在必奪則隨亡不奪  
存志不可奪命則畢愧存不若無愧亡幾希人禽  
謹出入守貞殉烈易地同一心不二絕矯飾卓哉  
陳媛大節章浩然正氣兩閒塞傷悲自署望門寡  
門在望矣未許卽旣云寡矣難再雙茲言至正非  
偏刻鵠甘獨宿歌三年鳩告雙飛媒一逼遂將性

命付輕綃僅留心事傳遺墨視死如歸豈博名舍  
生取義寧圖逸唯媛家學五經明察於倫理昭作  
述天經地義古今垂永永幽光爭皎日

修身盡倫歌示諸娣姪

立天之道陰與陽立地之道柔與剛立人之道仁  
與義人參天地維綱常曰人自是兼男女女豈非  
人甘自阻寧唯男子希聖賢賢媛聖女有徒侶五  
官同具官則思五常同秉常獨知三從應亦悖三  
物四德由來張四維從父從夫及從子謂從大道

正始集

補遺

三

紅香館

莫背此從茲不辱理無違步趨德行藝而已功在  
宜家德潤身言闕名教謹笑顰容貌端莊非艷麗  
禮義廉恥當遵循正用其情是率性善養其氣是  
立命惡欲更有甚死生偷彊祇因殊肆敬人心道  
心辨危微克念罔念分是非精思弗奪立其大良  
知用致審其幾守身慎獨唯求是彼君子女釐女  
士無愧於影無愧衾庶免小人同受誓太上立德  
次言功不朽當共男子同莫云女子無所事德功  
言在人倫中夫主如君原不異男忠女節曷有二



繫纓結帨心齊堅處變安常身等致愛媳愛女等  
愛兒義方尤賴母兼師前遺旁出并抱嗣一視同  
仁方盡慈母邪父邪孝姑舅嫂婦諸姑信朋友同  
堂婦姒女弟兄妾婢視臣如足手爲女爲媳爲母  
妻平生閱歷涂毋迷自欺自畫皆暴棄徽音在昔  
宜思齊窮通壽夭任彼遇特立毋隨流俗誤內則  
中饋事女紅不願乎外行我素雖然苦樂由它人  
樂可自尋苦勿瞋天爵良貴何曾賤日新富有何  
憂貧人生百年那能久外物奉身竟何有自來列

正始集

補遺

三

紅香館

女至今存德立名垂真不朽具備功言洵美才才  
華根本德生來有節無才便是德有才無節誠堪  
哀德爲主也才爲輔允矣能文亦能武貌非所重  
隨賦形崇德踐形須法古以書相證克儉勤何妨  
識字能詩文國風半屬婦人作傳經續史章令聞  
詩文闡理鄙雕琢作字甚敬卽是學德發爲才著  
德容超出庸凡迥卓犖世爰女佛與女仙姑尼孰  
箇知眞詮空障淨塵唯遏欲入道豈必談元禪聖  
人不過人倫至察於人倫大賢示五官盡職備五

常三才參贊體易始異爲風兮長女乎兌爲澤兮  
少女呼離明中女乾坤照女亦宜爲君子儒是人  
豈肯居人後出見紛華遂爾謬奉盈一覆水難收  
尙其無愧於屋漏無形之刑每在懷斯人斯可謂  
之佳善信充實乃爲美西方美人庶得儕慎終保  
始起迄止制外養中表符裏妨微處處銘盤孟避  
嫌刻刻嚴瓜李嗟予未嫁稱未亡靡它靡慝師其  
姜節大餓小伊川訓廣平鐵石爲心腸若夫所處  
無不幸端宜中正而主靜蒙以養之自幼嬰少成

正始集

補遺

三

紅香館

習慣時加省女子須教本考亭明白論語及孝經  
推之女戒并家範定性好學先人型夜氣凜凜且  
晝梏幾希人禽恆勉勸諸艱歷試久鍊金織塵難  
染無瑕玉貞以得一清寧伴閑邪敬直女德修仁  
可成而義可守天合剛而地合柔主一無適聖賢  
志天地之道物不貳日月有光崇效天山川有恆  
卑法地

小文  
中  
文  
宜  
爲  
學  
子  
論  
長  
人

正始集題詞

濟州許瓊鶴 芝仙

風雅誰提唱而今得主持人思依絳帳儂請寫烏  
絲直可論千古無由贊一詞遙知班謝侶爭欲觀  
新詩

金吳縣翁 瑛 繡君

體效葩經品物和關睢取次到江沱太平寰宇紅  
窗下二百年來逸韻多

不櫛清才半作塵和風涵煦谷生春數行小傳詩

正始集 題詞 一 紅香館

千首蒲柳都成不朽身

名在門牆弟子員幾時問字立花前宣文紗幔傳  
經後更乞楞嚴一指禪

接都門潘虛白大姊書稱近得洛中 麟太

夫人書將選刻閩秀詩題爲正始集索余

近作并囑爲題詞作此應命卽以代簡

楊婁縣王韞徽 澹音

閩閣敦風教大雅須扶輪輯集名正始取法貴清  
真二南首三百德化能新民時物國風紀承平雅

頌陳靜好御琴瑟勤慎采藻蘋樛木逮下歌雞鳴  
戒旦申肥泉思永歎柏舟悼悲辛哀樂具至性觀  
感知所遵吾鄉有淑媛佳儷匹王臣憶昔居京國  
翰墨相貽頻名畫本家傳新詩更無倫才兼德且  
備慧多福駢臻謝庭森蘭玉瑤環盡珠珍一別各  
天涯廿載阻音塵京華有同調寄書述前因令予  
成觀察金章貴榮身板輿奉太君同賞洛陽春平  
反添喜色封鮒助賢聲紗幔宣文座詞翰承歡情  
選詩及閨秀玉尺操權衡珠璣見錯落錦繡出縱  
正始集 題詞 二 紅香館

橫紛紛旗幟張儷白妃青并騷壇如椽筆月旦有  
定評繫余才本拙出語無人驚徒羨陽春曲村笛  
慚瑤笙薄宦客津沽折腰感淵明嗟無三徑宅未  
得賦歸耕鸞鏡悲忽破血淚終年傾一棺寄梵宇  
窀穸何時成十口羈異鄉迢遙阻歸程雲泥判同  
列風雨懷前盟畫荻課遺孤切望能成名悲歌聊  
見志非敢以詩鳴

滿洲景

玉

清如

刻楮三年得趣深揚風挖雅頌元音一枝班管千

秋業直是刪詩夫子心

珍浦太夫人近選正始集拙作亦蒙采入並

索 先母頌琴樓遺稿心感之餘賦此呈

謝

吳室 吳江許 珠 孟淵

南征一賦播芳譽文選樓歸彤管書漸愧名同才

思減閨中空慕蘭相如

劬勞母氏閱衰門一卷遺詩半淚痕肯采陶嬰黃

鵠句人間地下各銜恩

正始集 題詞

三 紅香館

麟見亭廉訪太夫人 惲太君選閨秀詩劉

松嵐師以拙藁薦臂鹽車之困馬欣逢伯

樂爨下之焦桐幸遇中郎實爲平生奇遇

也

汪室 祥符張 漪 墨花

江山佳處鍾靈秀吳會英才有婦人 畢秋帆尙書刻吳會英才

集孫淵如觀察夫人詩亦在選中 每憶吟壇推作手亦容巾幗與

扶輪經霜自惜如枯草向日何當受古春收入網

羅誠有幸紫薇星昭氣嶙峋

已丑春初知 麟太夫人選刻閨秀正始集

乞得稿本焚香拜讀敬題三十韻以誌欣

慕時維二月二十八日值 太夫人花甲

初周謹奉詞盟沐三薰以獻

鄭室天台陳自修

靈秀鍾閨鴻篇獨校警刪詩歸正始定論合春

秋

母本江南望才空冀北儁妝臺磨古鏡繡館襲香

甌太夫人為甌香館南田先生後裔花戲綵迎

正始集并翎毛深得家法名詩稿曰紅香故云四 紅香館

仙佩吹簫結宦遊甘棠襄化理曙暉先生歷守

政聲 太夫人苦菜荷神麻令子登瀛閣文名著鳳

樓攀轅傳練浦握節奠黃流見亭觀察年十九

中允出守徽穎二郡擢開歸河道觀察去 遍錫

羣黎福咸歌百祿適丸熊皆夙訓翼燕本貽謀德

葆仁慈質情舒翰墨柔通經惟讓伏輯籙竟追劉

太夫人又擬仿劉向列女傳體例采輯家乘干

古賢媛列女遺事為一書名曰蘭閨寶錄言富儒編二曲搜太夫人會序關中李二曲先

蓮花參妙悟貝葉記清修太夫人會夢捧書海

島侍妙蓮大士故繪組

島護書小照又會片愁山藥劑君臣用花栽姊妹

大師觀楞伽記重梓之太夫人心存利濟自制再造丸救苦膏正氣

彌散安坤丹等藥靈效異常又性喜栽花所居常

滿瀟還將閨友集竟向藝林投舊什奩中索新篇日

下求芳名都入選麗句盡傳郵問字來才媛閨秀

太夫人名寄書徵文到海陬並有朝鮮閨秀四人

執贄者甚夥丹黃憑一管彩翠奪雙眸就體分工拙因人定去

留頌椒詞仿晉書荻教宗歐割愛除花藥維風杜

莫愁雅音參正變才調黜輕浮直以金針度都教

鐵網收長評申月旦小敘紀風輶絳帳羅紅粉青

正始集題詞五紅香館

山頌白頭還丹年間鶴進酒杖扶鳩妾本天台女

吟添海屋籌題詞兼祝嘏五福備箕疇

麟見亭先生官吾郡太守多惠政甲申九月

調任潁川郡人士繪練浦攀轅圖贈行去

之日奉太夫人板輿路經巖鎮香筵祖

餞民歌賢母諸女伴邀余登樓遙送今已

七年矣聞將選閨秀正始集徵詩到徽謹

賦二章以誌欣幸

歙縣鮑文芸伴香

練浦攀轅繪作圖爭言太守近時無義方有訓欽  
賢母會向樓頭望板輿

才仰宣文不可留徵詩恰又到山陬吾鄉多少吟  
椒文幸得題名入選樓

漢軍高儀鳳

秀芝

才調然脂與擷芳

三集均  
閨閣作

詩人一例費平章而今

織出天孫手雲錦星珠煥七襄

史  
室仁和程 啟  
意萱

紅香端合繼甌香書稿詩篇早擅場直以禮宗垂

正始集

題詞

六

紅香館

訓誠還將餘事選詞章璇璣譜有金針度雲錦才  
憑玉尺量名士如林齊下拜一時閨閣被輝光

清  
室大興黃兆蘭  
景木

詩學

熙朝雅頌尊歌絃化被及閨門元音正始探源本  
剛盡風雲月露言

爭傳彤管筆生花錦織蘇家賦謝家莫謂無才方

是德名姝自古擅詞華

選樓高建動吟哦賦茗人來著作多東遍朝辭西



絕域香蘭醉草盡蒐羅

筆誇老健欲凌雲風雅扶輪屬

太君分得瓣香

欣下拜紗幘不隔侍宣文

李會稽鍾室

素澹心

名山千古在雅事一時傳錦字騰輝處應聯寶婺

躔

辛卯孟春臥園兄自梁園返署以方伯麟

太夫人所選正始集相示愚姊妹拙作並

蒙采錄賦此郵寄呈謝

正始集

題詞

七

紅香館

羅田潘煥榮 仲華

鍾郝風儀樹典型憐才博訪眼垂青俚詞也入珊

瑚網却勝名登千佛經

畫荻九熊願已償白頭又為選詩忙衙齋遙隔宣

文帳問字無由侍講堂

羅田潘煥吉 幼暉

艷體歸裁別堪為女史箴閨中操玉尺繡外度金

針正始扶詩教仁慈抱佛心

太夫人喜製藥施濟未能親講

席感佩托微吟

潘室歸安楊清材琴珊

起居八座太夫人愛采詩篇似采珍集腋應知非  
一日獨能搜訪到邊垠

大秤天付與量才濃淡都教入選來恰似春風能  
及物萬花如錦一齊開

周室陽湖徐蘭

與君共鄉里相尙未相知新集傳今日芳名說舊  
時因緣結文字典雅繼風詩幸遂登龍願迢迢繫  
我思

正始集題詞

八

紅香館

趙室桐鄉陸費湘子李齋

選樓高建鬱森次第頻剛鄭衛音才入網羅賢  
相意法兼筆削史官心千絲織就機中錦一曲彈  
餘爨下琴西破流沙東訖海香山何止播雞林

插架盈箱似鄴侯甌香家世本清流詩分今古胸  
中貯筆擅生枯腕底收造鳳體能成一代登龍名  
亦附千秋遠搜題咏謀劄腕寬大都如白傅裘

詩解三乘別有賜平生結習未能忘點頭人坐談  
經石慧眼天開選佛塲色相俱空懸寶鏡源流欲

溯泛慈航講壇自結蓮池社衣鉢都教詣上方  
愧我荒蕪等畫脂損功費日欲何之鶉衣敢辱量  
才尺烏篆難鐫沒字碑淡泊久同韋應物姓名合  
喚魏無知蘭閨坐擁文宣帳願列門牆侍母師

正始集

題詞

九

紅香館

正始集後序

或謂三百篇所遺多繇士大夫之作假借闖闈發舒藻思悅龙偶託桑濮非真然而后淑善心女尸齋祀山奚取乎蠹殷水奚取乎漢廣矧自漢晉洎乎元明令暉道蘊各擅清才博士校書爭推女史終莫若我

朝之翰林萃萃炳炳麟麟焉獨是閨幃之什秘若珠璣蒐輯之功難於製作伊昔輶軒所採僅綴香奩而今湖海有傳併遺繡闥是豈粉黛幽情不敵

正始集

後序

紅香館

鬚眉豪氣抑豈房幃雅韻無關朝野芳徽其閒壽母令妻貞娥孝女以及禪參紺宇輟改青樓亦莫不殫精竭思嘔心咳血發其鬱結播諸詠歌乃未幾而帙散糊窗又未幾而藁殘覆甕字餘蠹蝕卷賸鼠傷漸滅之速感慨所同此

完顏憚太夫人所以有正始集之選也且夫詩之爲教正己以正人者也而周南以關雎始召南以鵲巢始論推暨則化始宮掖論爛習則德始窈窕太夫人豫藩事翁馭郡相內長君陳臬喜動平反

季嗣分曹憂增薄遺猶憶馭香舊業結習難忘並  
念閨秀多才流傳無自遠者缺有閒近者豈無徵  
溯開國以逮同時由中華以推外域搜羅殆遍甄  
別維嚴詞黜雙文品崇寡鵠哀成鉅集錫以宏題  
正莫甚焉始基之矣黛學繡吳趨備腴甬渡侍家  
主而吮豪粗諳點畫隨嗣君以審韻謬解吟唔雖  
月夕風晨擬比簪裾角咏而釵荆裙布愧援翟弗  
通辭命薄如儂沉淪奚惜才高幾輩憑弔誰憐茲  
接瑣言備知盛舉絮吟喜有成編椒頌幸無遺稿

正始集

後序

二

紅香館

凡居巾幗共荷陶甄既許標題敢辭謏陋率呈駢  
語謹附尾端唯是分隔雲泥空勞蝶夢贄遲棗栗  
未問魚軒實戀戀於文字因緣彌拳拳於正始風  
教云爾金閨女史歸江夏郡石黛卿敬序

跋語

右正始集二十卷附錄一卷補遺一卷共得詩一千七百餘首計九百三十三人

君姑太夫人所手訂也

太夫人幼年針黹精妙爲儕輩所推服稍長承

外王父芝堂公指授博通經籍兼善詩畫以故族黨間有三絕之稱乾隆戊申來歸我

先舅大人逮事

會王母先意承志深得

正始集

跋語

紅香館

大父母歡心及生吾夫子兄弟三人出就外傅猶時時親督課之嘉慶己巳夫子年十九聯捷成進士

太夫人喜勗以詩有功名雖并春風發心性須如

秋水平之句已而授職中書又繪紫薇夜月便面

以賜題曰捷報泥金青錢入選薇省深沉鳳池清

淺夙夜勿怠匪躬蹇蹇叨列清班置身通顯夫子

敬承 慈訓故歷官皆報最道光癸未出守新安

太夫人就養官舍發願濟人乃詳攷古今仙傳良

方手錄成帙名曰鶴背青囊依法合藥務以博施  
爲懷頃歲旣校定關中李二曲先生集毘陵憚遜  
庵先生語錄及憨山大師觀楞伽記重刊行世丙  
戌冬復檢舊篋所存名媛詩命夫子兄弟廣爲蒐  
輯親加選定凡三歷寒暑始得成書而猶恐去取  
之未當也以稿本就正於閩秀諸大家然後授梓  
繼又慮詞藻之偏尙也暇日檢閱廿三史一統志  
八旗通志各一過擇列女之卓行可傳者分類編  
次爲蘭閨寶錄一書將與是編同壽梨棗蓋揚班  
正始集

跋語

二

紅香館

左之才華與示郝鍾之禮法意有並重所以垂教  
於閩門者至深且遠矣  
道光十有一年歲在重光單闕長媳程孟梅謹跋

